



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De presbyteris parochialibus cùm conuenerint, vt se inebriare non
audeant. clxi.

urn:nbn:de:hbz:466:1-10722

cere, vt castè & pure viviant sub Dei timore, vt dum eos
talis professio alligat, vitæ sanctæ disciplinam retineant.

*Nulli monacho non sacerdoti, vel laico, quantum liber
sint eruditi, licet prædicare. Cap. CLVIII.*

DE his verò quæ in sèpe dicto concilio illicita contra *Ex epist.*
venerandos Nicænos canones præsumptione tenta- *Leonis*
ta sunt, ad fratrem & coëpiscopum nostrum Antiochenæ *papæ*.
sedis præsulem scripsimus: adiuentes & illud, quod nobis
propter improbitatem monachorum quorundam religio-
nis vestrae verbo mandatis per vicarios nostros, & hoc
specialiter statuentes, vt præter Dei sacerdotes nullus
audeat prædicare seu monachus, siue ille laicus, qui cuius-
libet scientiæ nomine gloriatur.

Vi parochiarū clericī ab episcopis suis cauones discant.

Caput CLIX.

VT parochiarij clericī à pontificibus suis necessaria si- *Ex cōcil.*
bi statuta canonum legenda percipient, nerei ipsi *Aurelia.*
vel populi quæ per salutem eorum decreta sunt, excusent *cap. 6.*
se postmodum ignorasse.

Quod nulli sacerdotum canones liceat ignorare.

Caput CLX.

Celestinus vniuersis episcopis per Apuleiam & Cala- *Ex epist.*
briam constitutis. Nulli sacerdoti suos liceat cano- *Celest. pa.*
nes ignorare, nec quicquam facere quod patrum possit *pæ. cap.*
regulis obuiare. Quæ enim à nobis res digna seruabitur, *20.*
si decretalium norma constitutorum pro aliquorum libi-
tulicentia populis permitta frangatur?

*De presbyteris parochialibus cum conuenerint ut se
inebriare non audeant. Cap. CLXI.*

VT nullus presbyterorum, quando ad anniuersarium *Ex cōcili.*
diem, XXX. aut VII. vel III. alicuius defuncti, aut *Hamnet.*
quacunque vocatione ad collectam presbyteri conue- *cap. 10.*
nerint se inebriare nullatenus præsumat, nec præsumat
precari in amore sanctorum, vel ipsius animæ bibere, aut
alios ad bibendum cogere, vel se aliena preeatione ingur-
gitare, nec plausus & risus incōditos, & fabulas inānes ibi
referre, aut cantare præsumat, vel turpia ioca, vel vriso, vel

I iiiij

D. BVRCHARDI EPIS. VVORMAC.

tornatricibus ante se facere permittat, nec laruas dæmonum, quas vulgo Talamascas dicunt, ibi ante se ferri consentiat: quia hoc diabolicum est, & à sacris canonibus prohibitum.

De eadem re. Cap. CLXII.

*Ex eodem
cap. 11.*

QVando autem conuenerint presbyteri ad aliquod conuiuum, decanus aut quis prior illorum, versus ante mesam incipiat, & cibum benedicat, & tunc secundum ordinem sedeant, alter alteri honoré prebentes, & per vices cibum & potum benedicant, & aliquis de illorum clericis aliquid de sancta scriptura legat. Et post refecionem similiter sanctum hymnum dicant & exemplum domini sicut in cena fecisse legitur, & sicut contineant omnes presbyteri, maximè in talibus locis, non vituperetur ministerium illorum.

De eadem re. Cap. CLXIII.

*Ex eode
cap. 12.*

SVmmopere etiam quisque presbyter caueat, sicut status suo vult gaudere, ut non quacunque occasione patrem suum aut alium quemlibet ad iram & ad rixam, quanto minus ad pugnam vel ad cædem aliquo verbo irritet, seu prouocet, nec prouocatus ad hoc quisque profiliat: quia in talibus comedationibus & potationibus semper se immiscet diabolus.

De eadem re. Cap. CLXIII.

*Ex eode,
cap. 4.*

QVando presbyteri per Calendas simul conuenient, post peractum diuinum mysterium, & necessariam collationem, non quasi ad plenam refecionem sed quasi ad prandium ibi ad tabulas resideant, ne per talia inhonesta conuiua se inuicem grauent: quia indecens & onerosum. Sæpe etiam tardè ad Ecclesiam redeuentes, maius damnum de reprehensione conquirunt, & grauedine mutua contrahunt, quam lucrum ibi faciant. Nam de huiusmodi conuentu Paulus Corinthios reprehendit, qui inconuenienter coenam dominicam manducare conueniebant. Sic & qui ad coenam dominicam, id est, ad collationem verbi sub occasione conueniunt, & ei veritate ventris causa coniunguntur, reprehensibles coram Deo & hominibus habentur: & ideo, peractis omnibus